

ԱՆՁԻ ԿԵՆՍԻՄԱՍՏԱՑԻՆ ԿՈՂՄՆՈՐՈՇՄԱՆ ԱՐԺԵՔԱՑԻՆ ԲՆՈՒՅԹԸ

Հ. Շ. ՄՈՔՈՅԱՆ

Կենսիմաստային կողմնորոշման հիմնախնդիրը մարդկային տեսական մտքի պատմության մեջ ի սկզբանե ունեցել է իր ուրույն տեղը փիլիսոփայության, հոգեբանության, մարդաբանության, սոցիոլոգիայի ոլորտներում՝ կրելով բարդ ու բազմանշանակ դիալեկտիկական փոփոխություն: Հիմնախնդիրը ձևավորվել է անձի ազատության, նպատակային գործունեության, անհատ-հասարակություն և անձի՝ ինքն իր և շրջապատի մարդկանց նկատմամբ ցուցաբերվող միջանձնային կենսակողմնորոշիչ արժեքային իմաստներկայացնող փոխհարաբերությունների զարգացման ճանապարհին: Խնդիրը բովանդակայնանում է տեսական ծանրակշիռ փաստարկում է ստանում այն դեպքում, երբ նրա ձևավորման համար առկա են օբյեկտիվ սոցիալական պայմաններ և արարող սուբյեկտի կողմից դրսևորվող համապատասխան արժեքահատիչ մակարդակ:

Ժամանակակից թե՛ փիլիսոփայական, թե՛ հոգեբանական և ին՝ սոցիոլոգիական գրականության մեջ կենսիմաստային կողմնորոշման արժեքային բնույթի հիմնախնդիրն իր զարգացումն ու կատարելագործումն է ստացել որոշ հեղինակների կողմից¹:

Անձի կենսիմաստը ենթադրում է անձնական կյանքի պարբերական և ակտիվ հարաբերակցում առավել լայն սոցիալական ոլորտի՝ համամարդկային բնույթի արժեքների հետ, բայց մինչ այդ պայմանավորված սեփական ժողովրդի կյանքն իմաստավորող հոգևոր և նյութական արժեքների գոյությունը: Փիլիսոփայության պատմության մեջ հիմնախնդրի տվյալ կողմը ներկայացվում է որպես համապարփակի ու անհատականի իմաստի կապ և միաժամանակ իբրև կենսիմաստի գերարժեքային բնույթ: Հարցն այն է, որ այդ կապը անհատին տրվում է ոչ թե ինքնաբավ ձևով, հենց այնպես, այլ, որ դրան նա հասնում է այս կամ այն՝ կրոնական կամ փիլիսոփայական աշխարհայացքի դաստիարակչական ներգործության շնորհիվ: Աշխարհայացքի յուրացումն իր հերթին ընդգրկում է երկու գործոն. նախ, գիտակցության վերելք, այսինքն, շրջակա միջավայրի էմպիրիկ եսակենտրոն ընկալումից սկսած մինչև աշխարհի իրական պատկերի ստեղծման աստիճանը, որն այսպես թե այնպես բովանդակված է այս կամ այն փիլիսոփայական կամ կրոնական համակարգերի մեջ: Երկրորդ, կյանքի արժեքների որոշակի գնահատականների յուրացում և անձի ձևավորում: Այդ իմաստով Պ. Ալեքսեևը գրում է. «Մարդը ձգտում է աշխարհի հետ իր հարաբերություններում դեպի

¹ Տե՛ս Բ. Գ. Անանьев, Человек как предмет познания, М., 1968; А. И. Леонтьев, Деятельность. Сознание. Личность, М., 1977; Проблемы формирования ценностей ориентации и социальной активности личности, М., 1984; К проблеме формирования ценностных ориентации и социальной активности личности, под ред. В. С. Мухиной, М., 1979; Ценностная ориентация, и интересы школьников: М., 1983; С. Ф. Аппенсимов, Духовные ценности: производство и потребление, М., 1988; Проблемы формирования ценностных ориентации и активность личности в онтогенезе, М., 1987; Р. М. Самсонов, Социальная психология и идеология, Ер., 1970; Б. Ф. Сержантов, Личность как предмет философского познания, Новосибирск, 1984; С. Л. Рубинштейн, Проблемы общей психологии, М., 1973; Л. Б. Шульц, О значении личности в философии (Философские науки, 1991, № 5) և այլն:

ավելի խորը՝ կենսոգիտական արժեքակարգման և, որպես դրա հետևանք՝ դեպի ավելի կատարյալ աշխարհայացքային սկզբունքներ² (այս և հետագա ընդգծումները մերն են—Մ.): Անձի կենսոգիտական մեջ առաջին հերթին արձանագրված են մարդու փորձը, կյանքի մոտակա և հեռավոր նպատակները, խնդիրը, որը շոշափում է նրա ողջ կյանքի ծրագրային նպատակաուղղվածությունը, որն անձի կողմից գիտակցված է նվազ կամ բարձր մակարդակով:

Մարդու ձևավորումը պայմանավորված է սոցիալական միջավայրի և սոցիալական ժամանակի դիալեկտիկական կապով: Որպես բացառիկ էակ՝ բոլոր իր ծագումնաբանական կառուցվածքի ու բնական հիմքերի, նա իր ընտրություններով, իր արժեքակողմնորոշումներով շունչ հավասարն իր ինքնատիպ մարդարանական տարածությունից այն կողմ: Մարդու համար կյանքը ոչ միայն աշխարհի բազում և ընդհանրական կողմերի մեխանիկական յուրացումն է և անդամ ոչ միայն նրա հետ մերձեցումն ու սերտ փոխհարաբերությունների մեջ մտնելը, այլ աշխարհի նկատմամբ անձի կողմից իր սուբյեկտի կողմնորոշումն է աշխարհին կուլ շնչալու և այն ճանաչելու իմաստով: Քանի որ գիտատեխնիկական սրբնթաց աճը և դրան զուգահեռ գիտական դիսկլիքների լարված տարրերակումը կարող են հասցնել ոչ միայն մարդկային անձի «Ծս»-ի կառուցվածքի իրական ձևախախտման, այլև նրա իմացաբանական հնարավորությունների զարգացումը կարող է ընթանալ ի վնաս աքսեոլոգիական, հաղորդակցական և գեղագիտական հնարավորությունների: Քսաներորդ դարի մեծ հումանիստ-փիլիսոփա Ա. Շվեյցերը գրում է, որ «հասարակության, ինչպես և անհատի համար, կյանքն առանց աշխարհայացքի բարձրագույն զգացմունքի կողմնորոշման անտարբանական խախտում է»³: Աշխարհիմացության պոզիտիվ արժեքիմաստը հնարավոր է միայն այն դեպքում և այնտեղ, ուր հետապնդվում է՝ նպատակ, դիրքորոշում, առաքելություն: Գործոններ, որոնք նպաստում են մարդու անձն առաքել բնորոշող ուղղվածությանը և միշտ պահպանում դեպի մարդկային արժեքները ինքնակողմնորոշվող «Ծս»-ը, որը երբեք իր կյանքի վերջնական նպատակը չի համարում սոսկ կենսամիջոցներ հայթայթելու համար պայքարը: Նայել, «Ծս»-ի՝ կենսոգիտական վերաբերող բոլոր որոշումները, ի վերջո, հանգում են միակ զգվարին խնդրի լուծմանը, այսինքն, ինչպե՞ս համատեղել արժեքների տեսքով բացարձակը և համընդհանուրը՝ միաժամանակ իրականությունն իր ողջ բազմազանությամբ ընկալելով և իմաստավորելով հանդերձ: Երկրորդ, ինչպե՞ս կարելի է հաստատել ու ամրակրել եզակի՝ անձնական կյանքի հատուկ իմաստը բազմակողմանի և հարուստ իմաստին զուգահեռ: Այս հիմնախնդիրը տեսական մտքի զարգացման մեջ տարրեր դարաշրջաններում իր արտացոլումն է գտել թե՛ կոռնական և թե՛ փիլիսոփայական աշխարհայացքների համակարգերում իրարից բոլորովին տարբեր մակարդակներով և լուծման տարբեր եղանակներով: Բայց յուրաքանչյուր դարաշրջանի յուրաքանչյուր աքսեոլոգիական համակարգում առանձին անհատների մոտ համակողմանի և փաստականորեն իրացվող անձնային իմաստը կրել է ոչ միատեսակ բնույթ:

Մարդն ինչպիսի գործով էլ որ զբաղվելիս լինի, միշտ մնում է ընդգրկված ամենօրյա սովորական կենսագործունեության մեջ՝ միաժամանակ կողմնորոշվելով անհատական ու անկրկնելի իրավիճակների բարդություններում, որոնք կազմում են նրա առկա կեցության աշխարհը: Դրա համար էլ մարդկային ստեղծագործ նախաձեռնությունը ենթադրում է, իբրև անհրաժեշտ

² П. В. Алексеев, Наука и мировоззрение. М., 1983, с. 106. Այս մասին տե՛ս նաև Мировоззренческая культура личности, Киев, 1986; Формирование научного мировоззрения студентов технического вуза, Тюмень, 1971; Формирование научного мировоззрения студентов в вузе, М., 1989; А. А. Горелов, Экономия, наука, мировоззрение, М., 1985.

³ А. Швейцер, Культура и этика. М., 1973, с. 82.

թաղադրատարր, ընդգրկում է մարդու պրակտիկ արժեքողմանորոշիչ սոցիալական գիտակցությունը: Եվ հենց այս վերջինի ձևերի մեջ է ամենից առաջ սուբյեկտին տրվում նրա կենսական, առարկայական գործունեության և հաղորդակցության աշխարհը: «Աշխարհն իբրև օբյեկտ, ներքաշվելով սուբյեկտի գործողության ոլորտ, միջնորդավորվում է նրա նպատակներով, շահերով, ձգտումներով, և «արտասարդկային գործունեության» յուրաքանչյուր հատված այստեղ ձեռք է բերում խիստ մարդկային իմաստ և կրում է իրական փոփոխություն՝ մարդու պահանջմունքներին ու շահերին համապատասխան: «Իրականությունը, որտեղ մենք ապրում ենք, մարդկային աշխարհն է, որն սկզբից մինչև վերջ թափանցված է մարդկային իմաստով»⁴:

Սիառամանակ, չի կարելի գործն այնպես պատկերացնել, որ ասես մարդիկ իրական աշխարհի կողքին ստեղծում են ևս իրենց կենսագործունեության առանձին և յուրակերպ աշխարհիկները: Քննարկելով իրականության տարբերությունը, որը վերցված է ճանաչողության օբյեկտի իմաստով և մարդու համար կենսական աշխարհի իրողություն է, Վ. Պ. Իվանովը արդարացիորեն նշում է. «Դրանք տարբեր են ոչ թե սուբստանցիայով, այլ միայն նրանց յուրացման հիմնարար գործընթացներով և ուրվագծերով», ուրեմն դա «մարդուն տրված միևնույն իրողությունն է, բայց նրա տարբեր էական ուժերի բեկումն է պրիզմայի միջով»⁵:

Ստեղծագործ մարդու վեհությունն ու առաքինությունը, նրա անձի պատմական-հասարակական նշանակությունը, նախ, միշտ արժեքավորվել է նրանով, թե անձնավորության ներքնաշխարհը և իմաստակերպ գոյությունը որքանով են կարողացել արժեքավորել և վերիմաստավորել աշխարհի և սոցիալական ժամանակի բազմակողմանիությունը: Երկրորդ, թե անհատը որքանով է ի վիճակի եղել ինքնակտիվություն հանդես բերել իր ժամանակի սոցիալական, փիլիսոփայական, մարդաբանական, հոգեբանական և սոցիոլոգիական գործոնների նկատմամբ և որքանով է կարողացել արժեքավորել կամքի ազատության հիմնախնդիրը՝ դրան տալով նոր իմաստ, սոցիալական նոր հնչեղություն և մարդկային նոր որակ:

Ազատության հիմնախնդրի լուծման իր յուրակերպ տարբերակն ունի ֆրանսիացի էկզիստենցիալիստ Ա. Կամյուն: «Էստ Կամյուն, գոյություն ունի միայն մեկ իրական լուրջ հարց՝ ինքնասպանության հարցը: Արժեք արդյոք կյանքը այնքան, որպեսզի ապրենք, կամ չարժեք. այդ խնդիրը քննարկել՝ նշանակում է պատասխանել փիլիսոփայության հիմնական հարցին»⁶. «Առասպել Սիզիֆոսի մասին» փիլիսոփայական ուրվագծում այսպես է ձևակերպում Ա. Կամյուն մարդկային կյանքի իմաստի վերաբերյալ հարցը: Կամյունի տեսակետից, մարդկային մտքի ողջ պատմությունը՝ «իրենից մշտապես հրաժարվելու և անկարության» պատմություն է, քանի որ «մեր աշխարհն ինքն իրենով՝ անբանական է»: Անիմաստ է և մարդկային կյանքը, քանի որ ընթանում է անհեթեթ աշխարհում, և դրա համար էլ ինքնասպանության մասին հարցադրումն իբրև «փիլիսոփայության հիմնական հարց» միանգամայն տրամաբանական է⁷: Անձի կենսիմաստի մասին ըստ էության կարելի է խոսել երկու տեսակետից: Նախ, կենսիմաստ «իր համար», որպես այդպիսին՝ Ներկորդ, կենսիմաստ «իր մեջ» և անձի կեցության մասին՝ «ուրիշների համար»: Հարկ է ասել, որ կամի ազատությունը մարդու վարքի գործողությունների մեջ նրա կյանքի իմաստն է «իր համար» և ընտրություն կատարելու, և կողմնորոշվելու հնարավորության առանձնակի ու գլխավոր ուղղությունը:

⁴ Мировоззренческое содержание категории и законов материалистической диалектики, Киев, 1981, с. 113.

⁵ В. П. Иванов, Человеческая деятельность—познание—искусство, Киев, 1977, с. 146.

⁶ Մեջրերումը տե՛ս Ի. В. Бычко, Познание и свобода, М., 1969, էջ 116.

⁷ Նույն տեղում:

կամքի ազատութիւնը մարդուն ուղեկցող և նրա կիւնքի անվերջ հակասութիւններն օրինաչափ լուծումն է, որը ենթադրում է, մի կողմից, ներքին հնարավորութիւնների իրացում և անձի բնույթի, նրա մտածելաոճի ու խելքի դրսևորման որոշակի արտահայտում: «Ազատ,— դրում է է. Սպինոզան,— ես կանվանեի նրան, ով ղեկավարվում է միայն բանականութեամբ»: Մյուս կողմից, ազատութեան գործընթացն իրականանում է օբյեկտիվ աշխարհի որոշակի սոցիալական արժեքների միջավայրում, որի արժեհամակարգային կառուցվածքն անհատից պահանջում է որոշակի անհրաժեշտ պահանջների սոցիալական իմաստավորում: Պահանջներ, որոնք առաջացել են մարդու հետ, նրա սոցիալական բնույթի գործունեութեան կատարելագործման օբյեկտիվ շարժառիթներին համապատասխան: «Սառելու գործունեութիւնը նպատակադրվում է այնպիսի շարժառիթով, որի հետևում միշտ կանգնած է սուբյեկտի պահանջը: Շարժառիթը ոչ միայն արթնացնում է գործունեութիւնը և ստեղծում նրա ուղղվածութիւնը, այլ շատ կարևոր է, որ գործունեութիւնը հաղորդում է... որոշակի անձնային իմաստ...»: Միաժամանակ շատ կարևոր է իմանալ, թե ինչպիսի՞ն է պահանջների սոցիալական իմաստը և ժամանակին կոհակ, թե վերջիններս դեպի ի՞նչ արժեքներ են կողմնորոշված և հարկավոր է նրանց նկատմամբ լինել շատ ուշիմ ու զգաստ: Փորձ ցույց է տալիս, որ պահանջների անտեսումը կարող է հասցնել ոչ միայն անվաւ սոցիալական համակարգի ձեւախախտման, այլև անհատի թե՛ արժեքային և թե՛ կենսապահովման գործունեութեան ոչ ձիշտ ընտելութեան: Մարդու կամքի ազատութեան այսօրինակ հակասութիւնը սովորաբար փխխոսութեամբ գրականութեան մեջ ներկայացվում է իբրև ազատութեան և պատասխանատվութեան հակադրամիասնութիւն: Մեր կարծիքով, նախ, ազատութիւնը չի կարող լինել լրիվ կամայականութեան և անհրաժեշտութեան ժխտում, այլ այն ղեկավարման և իմաստավորման և արժեքավորման անհրաժեշտութեան մի: տեսակն է, երկրորդ, ազատութիւնը ներքին պայմանավորվածութեամբ ինքնաղեկավարման և ինքնաիմաստավորման ուրույն միջոց է, որն արտակարգ ձևով գիտակցվելով մարդու կողմից, դրսևորվում է իբրև նրա կամքի ազատ, կենսոմաստաւից, ստեղծագործ ինքնարտահայտման իրական գործոն, որը հաստատում է նրա ազատութեան բնույթը. «...ազատութեան է վերաբերում ոչ միայն այն, թե ինչպէս եմ ես ապրում, ոչ միայն այն փաստը, որ ես ազատութիւնն եմ իրագործում, այլև այն փաստը, որ ես այդ տանն անում եմ ազատորեն»⁹, Ազատութեան կենսոմաստաւից արտահայտութիւնն իր հերթին այն կարգավիճակի արժեքիւրացումն է, որն ընկած է անձի պահանջմունքների հիմքում և ունի որոշակի ուղղվածութիւն՝ որոշակիորեն նպատակայնացված մարդու կողմից, իսկ նպատակներն իրենց կառուցվածքային իմաստով լինում են՝ առօրեական-ընթացիկ, կարճատև և հեռանկարային բնույթի, որը մեղ ծավալման լայն դաշտ է բացում խոսելու միաժամանակ և՛ կյանքի, և՛ զարգացման ազատութեան մասին, քանի որ վերջիններս, այսպես ասած, ներկայացնում են ազատութեան այն երկու մակարդակները, որոնք արժեքավորվում և կենսոմաստ եւ ձեռք բերում միայն սոցիալական պայմանավորվածութեան պատճառահետևանքային սահմաններում: Անձի կենսոմաստաւից ազատութիւնն ընդհանրապես կախված է նրա կողմից բնութեան օրենքների պատճառներն առանձնացնելու կարողութիւնից, ճանաչման խորութիւնից ու շահագոծերից: Ինչպէս իրավացիորեն նշում է Յ. Ա. Պոնոմարյովը, մարդը չի կարող առանձնացնել և ըմբռնել այն երևույթների պատճառները, որոնք բնութեան մեջ առաջանում են նրա սեփական ակտիվութիւնից անկախ: Մշտապես մարդու ուշադրութեան են ներկայանում իրերի ամենաբազմաբնույթ փոխգործողութիւնների անվերջ թվով արդիւնք-

9 Э. В. Спиноза, Избранные произведения, т. 1, М., 1957, с. 567.

9 С. В. В. П. Занченко, В. М. Мунипов, Основы эргономики. М., 1979, с. 31.

10 Կ. Մարքս և Ֆ. էնգելս, Երկեր, Ե., 1985, էջ 73:

ներ. օրինակ, մարդիկ հազարավոր տարիներ տեսել են կայծակը, բայց նրա պատճառն իմանալը հնարավոր դարձավ միայն այն ժամանակ, երբ կայծակը հարուցվեց արհեստականորեն՝ որպես մարդու գործողության հետևանք։ Այս կամ այն երևույթի իրական պատճառը մարդն ի վիճակի է բացահայտել միայն այն ժամանակ, երբ նա ինքն է դառնում տեղի ունեցող իրադարձությունների պատճառը իր սեփական «ես»-ի ինֆեռանալազման և ինֆեռանալազման իմաստով¹¹։ Անկասկած, ինքնահաստատման անհրաժեշտ պայմանն իր մեջ պարունակում է նաև խոր և արժեքավոր կենսաբանական հիմքեր, որոնք լուրջ ուսումնասիրության սոցիալ-հոգեբանական և մարդագենետիկական առաժառաքյուն են ընդգրկում։ Խնդիրն այն է, որ յուրաքանչյուր կենդանի օրգանիզմի (ոչ սոցիալական բնույթի) հիմքում ընկած է նրա ծագումնաբանական ծրագիրը, որն էլ հուսալիորեն երաշխավորում է շրջապատին հարմարվելու՝ այդ կենդանի էակի կենսապահովման գործընթացը, իսկ մարդու՝ իր շրջապատի նկատմամբ հարմարվելու գործընթացն ունի այլ որակ, որն էպես տարբերվում է զարգացման ցածր աստիճանում գտնվող կենդանական աշխարհի մնացած բոլոր տեսակների հարմարվելու գործընթացից։ Ինչու. որովհետև բոլոր կենդանիների անատոմիական, զարգացումը (օնթոգենեզ), այդ թվում և մարդանման կապիկների՝ իրականացվում է ծագումնաբանական ծրագրի հիման վրա՝ ներկայացնելով շրջապատող միջավայրի առանձնահատկություններից հարաբերականորեն անկախ և հարաբերականորեն ինքնատիպ ծրագրի ինքնածավալում, երբ մի փուլից մյուսին անցման ժամանակ այս կամ այն անհատական հատկանիշներն սկսում են ձևավորվել ոչ թե դարձյալ միջավայրի կողմից, այլ դրանք կենդանին ձեռք է բերում որպես իր տեսակին հատուկ ծագումնաբանական առանձնահատկություններ։ Այստեղ հարմարվողականության գույտ կենսաբանական իմաստը տվյալ միջավայրում ընթացիկ փոփոխություններին համընթաց և հարաբերականորեն ներդաշնակ կենսագործունեություն հաստատելու մեջ է։ Մինչդեռ, այդ տեսակներից բոլորովին այլ է մարդու վիճակը՝ ըստ նրա յուրատիպ սոմատիկ կառուցվածքի և ըստ ճանաչողական հիմնատվյալների։ Դիտակցության շնորհիվ մարդու մեջ առաջացավ սոցիալական ժառանգորդման այնպիսի համակարգ, որն աստիճանաբար դարձավ նրա ձևավորման, կատարելագործման և սոցիալական կողմնորոշման որոշիչ գործոնը, որն էլ հենց կենսաբանական էվոլյուցիայի համեմատ սոցիալական աճի տեմպերի զարգացման հսկայական հնարավորություն տվեց նրան։ Ն. Դուրխինը գրում է. «Յուրաքանչյուր մարդ ծնվում է բոլոր այն սխալներից ազատ, որոնք թույլ է տվել մարդկությունը մինչ այդ։ Կեղծ ճշմարտությունները չեն ծանրաբեռնում նրա հոգևոր հայացքը, քանի որ ոչ մի սոցիալական, գիտության կամ բարոյականության հանրագումար դեմքերի մեջ չի գրանցվում։ Նա միշտ սկսում է սկզբից և ազատ ու ստեղծագործաբար մտնում է հասարակության մեջ և ճանաչում բնությունը։ Դա է մարդկության կեցության մեծագույն առավելությունը։ Դրանով է մարդը տարբերվում կենդանիներից՝ ապագայում հնարավորություն ունենալով հասարակական-աշխատանքային անսահման առաջընթացի համար։ Յուրաքանչյուր սերնդի մարդ սոցիալական ծրագրի միջոցով ընկալում է մարդկության զարգացման արդյունքները, և յուրաքանչյուր անգամ նրա առջև բացվում է ապագայի ստեղծագործ ճանապարհը»¹²։ Ժառանգականորեն բնության հրաշագործություն և արժեքների հիմնարկը՝ մարդն ըստ էության օժտված է սոմատիկ կառուցվածքի այնպիսի հզավազուտ տարրերով, որոնք իրենց հերթին ձևավորվել են այն տարրերի համակարգից, որոնցից բաղկացած է մարդկային անհատը։ Մարդուն բնորոշ հատկանիշների էվոլյուցիան կրում է որակապես բարդ և պարուրաձև բնույթ,

¹¹ Տե՛ս Я. А. Пономарев, Психология творческого мышления, М., 1960, с. 34.

¹² Н. П. Дубинин, Социальное и биологическое в современной проблеме человека (Вопросы философии, 1972, № 11, с. 29)

քանի որ դրանց դերակշռող մասը իրականացվում է նրա պոստնատալային վիճակում, այսինքն, ծնվելուց հետո մարդու անհատական զարգացման, առաջին հերթին՝ կյանքի ընթացքում իր ձեռք բերած խիստ կենսական կարևորություն ներկայացնող սոցիալական արժեքների զուգորդման շնորհիվ: Այստեղ տեղին է հշտում Ա. Լեոնտևի այն գաղափարը, որի համաձայն, «անձի հիմքում ընկած են մարդկային գործողությունների այն համաստորադաս հարարևրությունները, որոնք ծագել են իրենց զարգացման ընթացքում»¹³: Քանի որ սոցիալական միջավայրի ազդեցությունը և նրա նկատմամբ մարդու կողմնորոշումն ընդունում են ծրագրավորման և արժեքահատման բնույթով, ուստի տրամաբանական է, որ մարդու զարգացումը ղեկավարվում է լին զինհտիկ և թե սոցիալական ծրագրերով: Եթե գենետիկ ծրագիրը բջջի որոշակի տարածական կազմավորումն է, ուր նա իր գործողությունը ծավալում է որոշակի ժամանակային հետևողականությամբ, ապա սոցիալական ծրագիրը տառացիորեն դաստիարակական այնպիսի ներգործությունների ամբողջ համակարգ է, որոնք անհատի նկատմամբ իրականացվում են հասարակության կողմից, հատկապես, օնթոգենետիկ՝ անհատական զարգացման (կրթության, րնտնոեեկան, դպրոցական դաստիարակության, սոցիալական կարգավիճակի) առկայության պայմաններում: Մարդը՝ միակ էակն է, ըստ Բ. Գրիգորյանի, որը շունի բնության կողմից կանխորոշված կենսական ծրագրով Մշակութային պատմության ամենակարգում արդեն նա հայտնվում է բաց խնդրի առջև, ինքն իր ապրելակերպն ընտրելու անհրաժեշտություն և հնարավորություն, ինքն իրեն և իր կենսական աշխարհն ստեղծելու առջև¹⁴: Սակայն այն, ինչ ներկայացվում է որպես մարդու զարգացման բուն սոցիալական ծրագիր, ընդհանրապես կարող է իր դերը կատարել միայն այն պայմանների դեպքում, եթե անձը կարողանա իր մեջ արթնացնել սոցիալականորեն անհրաժեշտ արժեքների նկատմամբ կողմնորոշվող ինքնադաստիարակության այնպիսի հոգեբանական մեխանիզմ, որի ուղղվածությունն առժեմենեի տառածաշարգանում կվերածվի անհատի ինքնահաստատման: Ինքնահաստատում, որը կարևորվում է ինքնագիտակցության, ինքնադաստիարակության, ինքնագնահատման, ինքնակարգավորման և ինքնակողմնորոշման որակական նոր րադագրատարերով:

Մարդու գիտակցությունը, — նշում է Բ. Անանևը, — միաժամանակ օբյեկտիվ իրականության սուբյեկտիվ արտացոլումն է համարվում և անհատի ներաշխարհում, ճշգրտապատից հարաբերականորեն մեկուսի ներքնաշխարհում ի հայտ են գալիս արժեքների համալիրներ (կենսական պլաններ և հեռանկարներ, անձնական խորը ապրումներ), կերպարների որոշակի կազմակերպություն (սթիմանկարներ», «բնապատկերներ», «սյուժեներ»), պատկերացումներ, հավակնություններ և ինքնագնահատականներ»¹⁵:

Այն պայմաններում, երբ անձի հարաբերություններն ստանում են սոռանձնակի կայունություն, արտահայտվածություն և մեծ արժեքայնություն, դրանք վերածվում են անձի համար բնորոշ բնավորության գծի, բայց միաժամանակ մնալով դարձյալ հարաբերություններ: Նման կողմնորոշվող ինքնադաստիարակման և ինքնակատարելագործման դիալեկտիկական նպատակաուղղվածությունը խոսում է անհատի կեցության մեջ մերթ նվազ, մերթ խորը ներքին արաբերական բնույթ կրող որակական փոփոխությունների մասին, որոնք իրենց հերթին ենթադրում են ո՛չ միայն արժեքային կողմնորոշման ազատություն, այլև անհատի պահանջմունքների հատուկ իրացում՝ և՛ որպես արարքների ազատություն, և՛ որպես գործունեության ձևերի ու եղանակների, կյանքի ուղու ազատ ընտրություն, մի խոսքով, իր սեփական կենսագրության ազատ կողմնորոշում: Այդ իմաստով Ժ.—Պ. Սարտրը տե-

¹³ А. Н. Леонтьев, *нշվ. աշխ.*, էջ 186:

¹⁴ Б. Т. Григорян, *Философия о сущности человека*. М., 1973, с. 243.

¹⁵ Б. Г. Ананьев, *нշվ. աշխ.*, էջ 328:

դին է ասել, որ մարդը դատապարտված է ազատության, և նա ազատության տանող ճանապարհ պետք է դուրս դա մարդկային մեծ փորձով ու ինքնաճանաչման հասած լուրջ պաշարով: Դա նշանակում է. երբ մարդը պրակտիկորեն է տիրապետում իրականությանը և սեփական ընդունակություններից ելնելով կարողանում է ճիշտ ընտրել սոցիալական արժեք ներկայացնող կողմնորոշիչները, ապա նրա ինքնագործունեությունը տալիս է ցանկալի արդյունք: XVIII դ. գերմանացի հանրաճանաչ բնախույզ Վ. Հումբոլդտը գրում է. «...ոչինչ այնքան չի նպաստում հասնելու հասունության, որն անհրաժեշտ է ազատության համար, որքան ինքը՝ ազատությունը... անբավարար հասունությունը, որն անհրաժեշտ է ազատություն ստանալու համար, կարող է առաջ գալ միմիայն մտավոր և բարոյական ուժերի անբավարարությունից... դա պահանջում է աշխատանք, իսկ աշխատանքը՝ ազատություն, որն արթնացնում է ինքնագործունեությունը¹⁶: Միայն իրականության խորը ճանաչողությունն է հնարավորության ընձեռում բացահայտելու նրա օրենքները, որն այլ բան չի նշանակում, քան մարդու արժեքների բացահայտում, իսկ նրա սոցիալական գոյության պահպանումը միայն է որոշակի կողմնորոշում մշակելու իր ներքին և արտաքին բնության նշանմամբ, այն դեպքում, երբ այդ երկու ոլորտների օրենքներն ընդլայնվում են ընդհանրացված, ըստ իրենց ուղղվածության, տարբեր են, ինչպես նաև տարբեր են ոչ միայն նրանց ճանաչողության պայմանները, այլև միմյանց նկատմամբ առավելության հասնելու ուղիները:

Այստեղ իրավամբ հարց է ծագում, թե ի՞նչ կապ գոյություն ունի, մի կողմից՝ արտաքին բնության ու նրա օրենքների և, մյուս կողմից՝ կենսամաստալից բովանդակություն ունեցող մարդկային ազատության միջև: Բանն այն է, որ ազատությունն ավելի շուտ մարդու անհրաժեշտ պահանջմունքների իրացումն է, այն էլ առանց այն որոշակի նյութական արժեքների, որոնք, ստեղծվելով հասարակական արտադրության գործընթացում, հասցնում են նման պահանջմունքների բավարարման անհրաժեշտության: Բայց հասարակական արտադրության կազմակերպումը հնարավոր է միայն արդեն մարդու կողմից ճանաչված բնության օրենքները վերլուծելու և ճիշտ կիրառելու դեպքում: Ուրեմն, թե՛ արտադրության առաջընթացը և թե՛ մարդու ընդլայնվող ու խորացող կենսամաստալից ազատությունն ընդհանրապես կախված են անհատի կողմից բնության օրենքների ճանաչման խորությունից և չափազանցությունից: Եթե մենք մարդկության պատմությունը մոտենանք այս տեսանկյունից, ապա ավելի նվազ կամ առավել հստակորեն է սկսում ուրվագծվել մեր տեսադաշտում նման պատկերը: Մարդկության պատմության արտակարգ երկարաձիգ՝ մինչարդյունաբերական հեղափոխությունները, այսինքն, մինչկապիտալիստական շրջանը, բնորոշվում է արժեքային կողմնորոշման մեջ մարդու՝ բնությունից անմիջականորեն կախյալ վիճակով: Եվ ընայած որ մինչկապիտալիստական շրջանի անհատն արդեն ուներ որոշ էմպիրիկ գիտելիքներ, սակայն նրա պրակտիկ կողմնորոշման տարածությունը սահմանափակվում էր բնության ուժերին տիրապետելու և արժեքավորելու ոչ բավարար սոցիալական հասունության աստիճանով, հետևաբար, նա մնում էր դեռ որպես բնության ստրուկ: Դա այն պատճառով, որ պահանջների իրական կողմնորոշման թե՛ մակարդակը, թե՛ չափադիօր դեռ շատ հեռու էին մարդուն բնորոշ մարդկային բնություն կոչվելուց: Հետևաբար, մինչկապիտալիստական շրջանն աչքի էր ընկնում հասարակական հարաբերությունների բնույթի զգալի կարևորմամբ, մարդու ազատության սահմանափակ շրջանակներով և սոցիալական կողմնորոշման պարզունակ կենսամաստավով: Երկրորդ փուլը, որը հայտնի է որպես վաղդասակարգային հասարակությունից անցում դեպի բուրժուական հասարակարգ, իրականում անցում է գյուղական մշակույթից դեպի ֆեոդալային մշակույթ, որն իր չափադիօր

¹⁶ В. Гумбольдт, Язык и философия культуры, М., 1985, с. 137.

կապված է առաջին լիովին դարձրածման անհայտ բնության լայնածավալ ճանաչողությունից և արտադրության աննախադեպ վերելքի հետ, իսկ վերջինս արդեն որոշակիորեն նպատակաուղղված էր դեպի ավելի բարձր սոցիալական արժեքներ, ավելի հատուկ սոցիալական կողմնորոշում, առավել բարձր արտադրության կազմակերպում: Կողմնորոշում, որն առաջին իսկ պահից ծավալվելը որպես բնությունն իր ողջ էությունը մարդուն ենթարկելու նախաձեռնություն, երբ բնության արժեքների նկատմամբ մարդու կենսամաստայից կողմնորոշումն արդեն սկսեց կրել ոչնչով և ոչ մի տեսակ օրենքով չսահմանափակված դրժնթաթաց: Բնության նկատմամբ նման կողմնորոշումն իր առավել հստակ արտահայտությունն է ստացել Ֆր. Բեկոնի երկերում. ըստ նրա, դիտության և յոթնեկալի նպատակը բնության վրա իշխելն է: Բնության արժեքների նկատմամբ նման կողմնորոշումն աստիճանաբար ծավալվելով ձեռք բերեց համամոլորակային չափսագիծ և նրա վրա ներգործելու մինչ այդ չեղած համակարգային միջոցների այնպիսի հնարավորություններ, որոնց գործառնումը ոչ միայն ապականում է բնությունը, այլև սպառնում մարդու կեղծությունը¹⁷: Հասունացող էկոլոգիական ճգնաժամի սպառնալիքը մարդուն ստիպում է, որպեսզի նա իր գործունեությունը հաղորդի ավելի ճիշտ և ավելի կենսամաստայից սոցիալական կողմնորոշման արժեքներով: Անհատը ստիպված է ավելի զգույշ և ավելի խորը ուսումնասիրել բնության և մարդու հավասարակշռության օրենքները, ուր համագոյակցում են ազգերի ունեւսական, մշակութային և սոցիալական կյանքի աղատ ձեւերը¹⁸: Ժամանակակից մարդը մեր օրերում ստիպված է հնարավորին չափ ներդաշնակ հարաբերություններ կառուցել բնության հետ, խելացիորեն իմաստավորել նրա արժեքները և ճիշտ հասկանալ զարգացման գործընթացները՝ նպաստելով նրա հետագա համամոլորակային հումանիզացիային, հոգուտ ինքնահրաժարման: «...Ինքնահրաժարումը,—գրում է Ա. Շվեյցերը,—պետք է ի կատար ածվի ոչ միայն հանուն մարդու, այլև հանուն մյուս էակների և ընդհանրապես հումուն աշխարհի մի կյանքի, որ հանդիպում է աշխարհում և հայտնի է մարդուն»¹⁹: Բացի էկոլոգիական, սոցիալական, տնտեսական, քաղաքական և դիտության ոլորտների ընդհանրական կողմերն արտացոլող օրենքներից, որոնք փոխադրվել են և սոցիոլոգիայի հետազոտություններն իմաստավորող յուրակերպ օրենքներ են, գործում են նաև օրենքներ, որոնք չիմանալը կաշկանդում է մարդու սոցիալական կողմնորոշման իրականացմանը: Դրանք այն օրենքներն են, որոնք ներկայացնում են տնեի սեփական անհատականությունը՝ կենսաբանական և հոգեբանական առանձնահատկությունները: Նախ, այդ օրենքները անմիջականորեն են շոշափում մարդու կենսական շահերն ու պահանջները Երկրորդ, պահանջում են սեփական անձի նկատմամբ ցուցաբերել արժեքահատիչ անհատական իմաստավորում, ինչպես նաև գիտակից ու կշռադատված կողմնորոշում՝ սեփական որոշում: Անձի կողմից այս կամ այն որոշման ընտրությունը՝ նրա ինքնակողմնորոշումը հաստատելու որո-

17 Տե՛ս Բ. Գրիգորյան, *ԵՊ. աշխ.*, էջ 247:

18 В. И. Вернадский, Избранные сочинения, М., 1960, т. 5, с. 210—211. Տե՛ս նաև Գ. Ս. Գուճճյան, Научно-техническая революция и экономический кризис, М., 1975; О. С. Колбасов, Экология, Политика—право, М., 1976; Человек—наука—техника, М., 1973; И. Т. Фролов, Перспективы человека, М., 1983; *ԵՊ. աշխ.* Прогресс науки и будущее человека (опыт постановки проблемы; дискуссии; обобщения), М., 1977; *ԵՊ. աշխ.* О человеке и гуманизме: Работы разных лет, М., 1989; В. А. Лось, Человек и природа, М., 1978; Н. Н. Моисеев, Универсальный эволюционизм (Вопросы философии, 1991, № 3; А. Д. Урсул, На пути к информационно-экономическому обществу (Философские науки, 1991, № 5); Социально-философские проблемы экологии, Киев, 1989; Философские и социальные вопросы экологии (Тезисы докл.), Харьков, 1985.

19 А. Швейцер, *ԵՊ. աշխ.*, էջ 297:

շակի տրամաբանական ուղղվածությունը. պայմանավորված է մարդու սեփական բնույթով, ներքին կառուցվածքով: Անձի կողմից որոշումներ ընդունելու գործընթացը կարելի է ներկայացնել որպես պրակտիկ արժեք ունեցող շուրս գործողների համագործություն. 1) իշխող տեղեկատվություն՝ շարժառիթների մասին, 2) տեղեկատվություն արտաին իրավիճակի մասին ամբողջությամբ, արհմիջ, 3) մարդու ընկալումը առանձնացնում է այնպիսի փաստեր, որոնք ազդեցիկ են դառնում այս կամ այն արժեկողմնորոշի՝ գործողությունների ավարտի մասին, 4) այնպիսի հանգամանքներ, որոնք կարող են մնալ իբրև տվյալ կողմնորոշման կողմնակի պայմաններ: Տեղեկատվության տեսակներից առաջին երկուսն իրենց արժեկողմնորոշման իմաստով արտահայտում են մարդկային անձի կառուցվածքը և նրա իմաստնացած փորձը, իսկ հաջորդ երկուսը վերաբերում են արտաքին իրավիճակին, այսինքն, անձի կողմից ընկալված արժեկողմնորոշիչ անհատական իրավիճակին: «Առանց նման անձնային, ստեղծագործական վերակողմնորոշման (համընդհանուր սոցիալական փորձի և դիտելիքների) ո՛չ գիտության մեջ, ո՛չ էլ արվեստի մեջ չի կարելի հասնել այդ ոլորտներում միակ հնարավոր արդյունքի՝ եզակի գիտական հայտնագործության կամ սեփական անձի անհատական գեղագիտական հնարամտության»²⁰:

Մարդու անհատականության ազատ կողմնորոշումը իմաստավորվում է՝ նախ, երբ դրսևորվում է ոչ միայն սոսկ որպես անհատական գործողությունների ինքնարժեքավորում, այլև ներքին որակական տեղաշարժ, ներքին մղում, ներքնաբուխ ուժի արտահայտում: Երկրորդ, երբ անձի ներքին ճիգերն աստիճանաբար ստանում են բավարար սոցիալական արժեքավորում՝ որպես արժեք և արժեհաստատում: Հարկ է նշել, որ արժեքների խնդրի կարևորության անհրաժեշտությունն ու հրատապությունը պահանջում են, որ ուսումնասիրության գործը չպարփակվի միայն փիլիսոփաների հետազոտությունների սահմաններում, որովհետև բնության և սոցիալական բյուր արժեքների նկատմամբ մարդու սոցիալական կողմնորոշման հարցը միաժամանակ նրա հոգևոր և ֆիզիկական ինքնահաստատման ու հարստացման հարց է, որն իր հերթին օբյեկտիվորեն պայմանավորված է անձի սոցիալական կողմնորոշման կատարելագործման որակական թուլացումով: Անձի արժեկողմնորոշման անհատականությունը, ինչպես և նրա վարքն ամբողջովին որոշվում են նրանով, որ «իր ձևավորման, գործունեության և զարգացման մեջ անձը օժտված է ազատությամբ և ինքնուրույնությամբ»²¹:

Այժմ տեսնում ենք կիրառման փիլիսոփայական իմաստը մարդու կենսական կարիքների համար ցանկայի և անհրաժեշտ, սոցիալականորեն որոշակի ձևով պայմանավորված օբյեկտների հաղորդակցական շարժում է: Դրանից բխում է, որ միայն ինքնուրույն կողմնորոշման արժեքների փիլիսոփայական տեսության կողմից ընդունվել է միարժեք իմաստով և ոչ քննադատական մոտեցմամբ: Դա բոլորովին այդպես չէ, քանի որ անդամ մակերեսային վերլուծման դեպքում ևս մենք աստիճանաբար հանդում ենք այն եզրակացության, որ այսպես ասած, արժեքային իրավիճակն ինքն անգամ ենթադրում է այն գործոնի առկայությունը, որ կա արժեքավորողի և արժեքավորվողի դիալեկտիկական սերտ փոխհարաբերության մեջ²²: Միլիոնավոր տարիների ընթացքում բնությունը արժեքային կողմնորոշման հանապարհին աստիճանաբար կատարելագործել է մարդու զգայաշարժիչ ապարար, ստեղծելով տեղեկություն ընդունելու և հաղորդելու որոշակի բարդ հոգեբանական մեխանիզմ, որը սովորեցնում է նորածնին շնչել, ծծել, ուտել և տարբերել մարդկային դեմքի գծերը, այսինքն, այն բնածին ռեֆլեքսները, որոնք միաժամանակ ընդգրկում են պոզիտիվ ընտրողականության և ինքնակողմնորոշ-

²⁰ В. С. Библиер, Мышление как творчество, М., 1975, с. 57.

²¹ Л. П. Бусева, Социальная среда и сознание личности, М., 1968, с. 16.

²² Տե՛ս В. Т. Григорян, նշվ. աշխ., էջ 200:

ման տարրերը: Եվ երբ կարիք է լինում ծայրահեղ դեպքում դրսից միջամտելու նշված դործողություններին, ապա միջամտությունը հանդիպում է ակտիվ դիմադրության: Ուրեմն կարող ենք ասել, որ նորածին մանկան մեջ անգամ սոցիալականացման և սկզբնական շրջանում անգիտակցական բնույթի կենսաբանական արձագանքները պարունակում են արժեկողմնորոշիչ դրսևորման տարրեր: Մարդու ձևավորման ու գոյության հարցը որոշվում է իր շրջապատում, նրա որոշակի արժեկողմնորոշմամբ և որոշակի հոգևոր փոխգործողության շնորհիվ, որի պահպանումն էլ հենց իրենով ապահովում է անհատի սոցիալական կողմնորոշման որակական կողմը, նրա կյանքի մարդկային իմաստը, քանի որ այդօրինակ գոյությունն այս կամ այն կերպ երաշխավորվում է որակավորվում է մարդու կողմից, հետևաբար այն կարելի է դասել ամենաիմաստալից և ամենաարժանապատիվ արժեքային տարածության շարքում: Անձի արժեքային տարածությունն ըստ էության շրջապատի հետ նրա փոխգործողության որակի ընթացին է, որը էվոլյուցիա է ապրել որպես կենսոստատիկ գոյություն արժեքային համակցություն:

Անհատի կենսոլորտի տեսական մտքի պատմության մեջ արձանագրվել է իբրև այնպիսի շարժում, որը ցանկալի պայմանների ստեղծման իմաստով օբյեկտիվորեն ուղղված է որոշակի արժեքների հետ անձի ներքին գնահատականին համապատասխան փոխգործողության հուսալի կապի հաստատմանը: Ըստ Ա. Պետրովսկու, «ներքին ճնշաչափը» անձի գնահատականն է: Մարդը համեմատվում է նրա ցուցումների հետ, կազմակերպելով իր հարաբերությունները, մտնելով շփման մեջ, գործելով ակտիվորեն: Նրա կոնստրուկտորը, ինժեները և կարգավորողը սոցիալական խումբն է, նրա մեխանիզմը՝ սոցիալական սերտ շփումների, կողմնորոշումների և արժեքների ներքին (interior) մեխանիզմը²³: Այդ ճշգրտումը տեղի է ունենում առավելապես անգիտակցարար, և անձը ինքնաբերաբար հարմարվում է վարքի այն գործնական պայմաններին, որոնք նշանակված են այդ ցուցումներում²⁴: Անգիտակցից ասելով, բոլորովին էլ չի նշանակում, թե անձի վարքը չի ինքնավերահսկվում կամ չի ինքնակառավարվում իր կողմից, քանի որ նա օժտված է այն անհրաժեշտ հոգեբանական դործիքակազմով, որի միջոցով կարողանում է արձանագրել իրեն հետաքրքրող (ինքնագնահատականը, սպասվող դնահատականը, անձի կողմից խմբի գնահատականը) ցուցանիշները, որոնք ձևավորվում են մարդու գիտակցական կյանքում՝ ստեղծելով սոցիալական արժեքների մի ամբողջ կառուցվածքային ոլորտ: Նման արժեքային ոլորտներում թե՛ սաղմնային կենտրոնի, թե՛ սուբյեկտիվ բնույթի դերում հանդես են գալիս այն կենսաբանական պահանջները, որոնց դրսևորումը խոսում է ինչ-որ բանի բացակայության մասին կամ խորհրդանշում է որոշակի ժխտում՝ կապված օբյեկտիվ հանգամանքների հետ: Պահանջը կապված է «ժխտումը» հաղթահարելու այնպիսի ձգտման հետ, որը ծնվել է սուբյեկտի մեջ օբյեկտիվի միջոցով, վերջինիս հիմքի վրա, ուստի պահանջից առաջացած ձգտումը, կողմնորոշված լինելով դեպի մարդուն շրջապատող արժեքային կենսատարածք, ջանում է գտնել այնպիսի օբյեկտներ ու երևույթներ, որոնք կրավարարին նրա պահանջների շարժընթացը: Այսինքն, եթե կան համապատասխան օբյեկտներ, ապա անհրաժեշտորեն ստեղծվում է նաև այնպիսի կենսաբանական ոլորտ, որն ապահովված է կենսաբանական պահանջներով և օբյեկտիվներով: Ի տարբերություն մյուս էակների, մարդու մարմնի ինքնատիպ սոցիոգեն կառուցվածքն իր կենսատարածքում որոշակիորեն նպատա-

23 А. В. Петровски й, Личность. деятельность. Коллектив, М., 1982, с. 123. Այստեղ հասկացությունն օգտագործվում է՝ նկատի ունենալով լատինական interior-ներքին արմատը, որ նշանակում է մարդկային հոգեկանի ներքին կառուցվածքների ձևավորում, շնորհիվ արտաքին սոցիալական գործունեության: Այն առաջին անգամ գիտական շրջանառության մեջ դրվեց ֆրանսիացի հոգեբաններ Պ. Ժանի, Ժ. Պիաժեի, Ա. Վիգոտի և մյուսների կողմից:

24 Նույն տեղում:

և առողջված է դեպի այն կողմ, որն իր հերթին շղթայական կապով փոխադարձաբար կապված է գոյություն ունեցող ողջ մարդկության արժեքային աշխարհագրական տարածության հետ: Օրինակ, թե՛ երեխան և թե՛ մեծահասակն ունեն այնպիսի սոցիալական անհրաժեշտ պահանջներ, որոնց կողմնորոշիչ իմաստը արտահայտվում է ուրիշների հետ շփվելու, հաղորդակցվելու զգացումներով, որոնք դարերի ընթացքում ոչ միայն մարդու կողմից մշակվել, հղկվել, ձևավորվել և հաստատվել են, այլ միաժամանակ ստեղծվել է դրանց բավարարման միջոցների հնարավոր գործիքակազմը: Նախքան վերոհիշյալ գործոնների՝ երեխայի ներքին կարողության փաստի վերածվելը, դրանք արդեն ներկայացված էին միջանձնային կամ միջմարդկային սերտ շփման մեջ: Ընտանիքը, ուսուցիչները, ընկերները, գրքերը երեխայի մեջ ակտիվորեն ձևավորում են բարոյական պատկերացումների այն «շափանմուշային» շարքը, միաժամանակ և «սուբյեկտիվ» շարքը, սովորեցնելով նրան տեղին համարել դրանք, և դաստիարակության ճիշտ կազմակերպման դեպքում տեղի է ունենում այդ երկու շարքերի առավելագույն մերձեցում: Անհատն սկսում է գնահատել շրջապատող աշխարհն այն նույն ցուցանիշներով, որոնցով նա գնահատում է իրեն՝ (ինքնագնահատում), նախօրոք սովորելով իրեն հավասարեցնել ուրիշներին²⁵: Նման զարգացումը երեխային հնարավորություն է տալիս աստիճանաբար տեղափոխվել ավելի հասուն մարդկային աշխարհ՝ իր հասուն արժեքների «աշխարհով»: Աշխարհ, որ բոլորովին նոր է ոչ միայն երեխայի պահանջները բավարարելու միջոցներով ու եղանակներով, այլև նոր է նաև թե՛ իր սովորություններով և թե՛ մշակույթի և սոցիալականորեն հասուն ու կողմնորոշիչ արժեքների համապատասխան նշաններով ու կողմերով: Այստեղից էլ հենց սկսվում է մարդկային հասուն սոցիալական արժեքների ոլորտը, որտեղ անձի արժեքներին զուգահեռ ստեղծվում են այնպիսի սոցիալական արժեքներ, որոնց առկայությունը ոչ միայն չի բացառում սուբյեկտի կենսաբանական պահանջմունքների ոլորտը, այլ ընդհակառակը, վերջիններս փոփոխման են ենթարկվում նշանների համակարգի կողմից: Տեխնիկական բարդ միջոցները մարդուն հնարավորություն տվեցին միջմարդկային կենսիմաստալից արժեհարաբերություններին զուգընթաց ձևավորել և հաստատել նաև այնպիսի կայուն և կողմնորոշիչ հարաբերությունների համակարգ, որոնք մարդկությունն ստեղծել է բավարարելու մարդու բազմաթիվ կուլտուրական պահանջներ:

Արժեքները, որոնք մարդկության կողմից ստեղծվել են նրա պատմական սարգացման գործընթացում, մշակութային իմաստ են ձեռք բերում այն չափով, որ չափով առանձնացվում են անհատների գիտակցության և վարքի մեջ, անցնելով նրանց գործունեության ակտիվ միջոցների գիտանոցով: ...Այդ հիմքի վրա է ձևավորվում անձի արժեքային կողմնորոշումը, որն իր դրսևորումն է գտնում ճաշակի ընտրողական ընդունակության և ղեղավորողական պահանջմունքի յուրակերպության մեջ²⁶:

Ստեղծված արժեքային ոլորտը կոչվում է նաև էկոլոգիական ոլորտ: Քանի որ մարդու առավել հիմնային և առավել անհրաժեշտ պահանջները պայմանավորվել են նրա գոյապահպանությամբ, մարդկության պատմության ընթացքում հասարակական մարդու ամենահիմնային ընդհարումը և հակասությունը կապված է եղել կենսադոյապահպանման արժեքների հետ: Պատմափոխական իմաստով այն ի սկզբանե յուրաքանչյուր սոցիալական նոր իրավիճակում եղել է մարդկային հիմնարժեքների ղեկավար իմաստավորող կողմը, որովհետև նորաստեղծ պայմաններն անհատից միշտ պահանջել են նոր վերակառուցում և վեոակոմունորոշում նոր իրավիճակին համապատասխան: Սա հարցի մեկ կողմն է: Երկրորդ կողմը ենթադրում է, որ երբ մարդն ընդունում է այս կամ այն որոշումը որոշակի արժեքների նկատմամբ,

²⁵ Տե՛ս նույն տեղում, էջ 123—124:

²⁶ Л. И. Новикова, Эстетика и техника: альтернатива или интеграция, М., 1976, с. 48—65.

սկսում է գործել նրա ինքնակողմնորոշիչ մեխանիզմը (կողմնացույցը)։ Որոշումներ ընդունելով և դրանք իր արարքներով իրականացնելով՝ անհատը միաժամանակ սկսում է աստիճանաբար ինքնակողմնորոշվել և ջանալ իր համար իմաստավորել և ճշգրտել մյուս մարդկանց դիրքորոշումն իր նկատմամբ՝ դրանով իսկ ի հայտ բերելով նրանց կենսիմաստային կողմնորոշման մեջ իր սեփական վարքագծի և ապրումների այլ տեսանկյուններ, որի հաշվին սուբյեկտը շարունակում է «ապրել ինքն իր մեջ»։ Ըստ երևույթին, սուբյեկտին հաջողվում է «ներդրվել» նաև ուրիշ մարդու մեջ և իրեն փոխհաղորդել (transmit) նրան միայն այն դեպքում, երբ վերջինս պատրաստ է ընդունելու իր սեփական անձնային «ներդրումները» և ձուլել դրանք, ջանալով ինչ-որ բանում իրեն «նմանեցնել» մեկ ուրիշին²⁷։ Այդ տեսանկյունից ընտրության յուրաքանչյուր ակտ պարունակում է արտաքին և ներքին այնպիսի սերտ դիալեկտիկական միասնություն, որն էլ իր հերթին հասցնում է այն հակասությունների վերջնական լուծմանը, որոնց հետ բխվում է անհատը արժեքային կողմնորոշման ամեն մի աստիճանում։ Կենսիմաստային արժեկողմնորոշման մեջ հակասությունների առկայությունը խթանում է անձի կատարելագործումը։ Դեռ Հեգելն էր գրում, որ «հակասությունը ճշմարտության շփանիշ է, հակասության բացակայությունը՝ մոլորության շփանիշ»²⁸։ Երբ արդեն որոշումն ընդունված է արտաքին ընտրության նկատմամբ և միաժամանակ արձանագրված վերջինիս վարքը, ապա հետևում է միջանկյալ վճիռն այն մասին, որ այժմ և հենց այս պահին հարկավոր է անել այս րանը և ոչ այլ բան։ Այսինքն, հաշվի են առնվել որոշ արժեքներ և մերժվել մնացած բոլոր արժեքները։ Արժեքային կողմնորոշման ներքին պատճառը դառնում է անձի արարքի իրական շարժառիթը՝ միաժամանակ ձեռք բերելով որոշակի իմաստալից կեցություն, որն էլ իր հերթին ծնում է հույզեր, տրամադրություններ, ապրումներ և այլն։

Այսպիսով, «Անձի կենսիմաստային կողմնորոշում» հիմնախնդիրը բովանդակայինաբար է «աշխարհայացք», «ազատություն», «մշակույթ», «նպատակաուղղվածություն», «ինքնահաստատում», «պահանջմունք», «իդեալ», «սոցիալական արժեք» հիմնագործոնների մեջ։ Կենսիմաստային ծագել է մարդու հետ և նրա բնույթին համարժեք, այն արտացոլում է այդ բնույթին համապատասխան առավել էական հատկությունները և միաժամանակ դառնում նրա արմատական հիմքերի ներքին էական երաշխիքը։ Այսինքն, այնպիսի երաշխիք, որից դուրս հազիվ թե հնարավոր լինի մարդու գոյությունն աշխարհում։

СУЩНОСТЬ ЦЕННОСТНОЙ ЖИЗНЕННОЙ ОРИЕНТАЦИИ ЛИЧНОСТИ

Г. Ш. МОКОЯН

Р е з ю м е

Проблема жизненной ориентации личности, ее характер и существование в материальном, духовном и нравственном аспекте, ее формирование и предназначение, ее будущие тенденции—одна из важных проблем, требующих разрешения на протяжении истории. Она существует и в наши дни—не только как весьма сложная и обширная, но и как актуальная научная проблема. Человеческая деятельность носит целенаправленный характер, следовательно, она неразрывно связана с ценностной ориентацией. Человеческая личность живет в мире социальных образцов и нормативных структур. Это то *социальное поле*, которое определяет ее поступки, деятельность, отношение к самой себе и к социальному окружению.

²⁷ Տե՛ս А. В. Петровский, *և.վ. աշխ.*, էջ 249։

²⁸ Гегель, Работы разных лет, М., 1970, т. 1, с. 265.